



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ԴԱՏԱՐԱՆ

Հասցե՝ ք. Աբովյան, Կոտայքի փողոց 8 շենք

Հեռ.՝ (+374 222) 2-01-63

Էլ. հասցե՝ kotayq@court.am

N ԴԴ-23 Ե- ԱՅԿ/ԲԳ

ԿԴՅ/0142/02/13

23/02/2024թ.

Հայցվոր՝ «Երևան Ջուր» ՓԲԸ-ին
ք. Երևան, Աբովյան 66ա

Պատասխանող՝ Մարգարիտա Մանուկյանին
Կոտայքի մարզ, գ. Պռոշյան Գամ 43

Պատասխանող՝ Սվետլաննա Դավթյանին
Կոտայքի մարզ, գյուղ Պռոշյան Գամ 43

Ուղարկվում է ՀՀ Կոտայքի մարզի առաջին ատյանի ընդհանուր իրավասության դատարանի թիվ ԿԴՅ/0142/02/13 քաղաքացիական գործով 23.02.2024թ. կայացրած «Արագացված դատաքննություն իրառելու վերաբերյալ» որոշումը:

ԴԱՏԱՎՈՐԻ ՕԳՆԱԿԱՆ

Ա.ՄԿՐՏՉՅԱՆ



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ԴԱՏԱՐԱՆԻ
Ո Ր Ո Շ ՈՒ Մ**

Արագացված դատաքննություն կիրառելու վերաբերյալ

23.02.2024թ.

ք. Արովյան

Հայաստանի Հանրապետության Կոտայքի մարզի առաջին ատյանի ընդհանուր իրավասության դատարանը, նախագահությամբ՝ դատավոր Ն.Թորոսյանի, քարտուղարությամբ՝ Թ.Պետրոսյանի, դռնբաց դատական նիստում քննության առնելով թիվ ԿԴ3/0142/02/13 քաղաքացիական գործը

Պ Ա Ր Զ Ե Ց Ի



«Երևան Զուր» փակ բաժնետիրական ընկերությունը (այսուհետ՝ հայցվոր) 25.03.2013 թվականին հայցադիմում է ներկայացրել Հայաստանի Հանրապետության Կոտայքի մարզի առաջին ատյանի ընդհանուր իրավասության դատարան (այսուհետ՝ նաև՝ Դատարան) ընդդեմ Մարգարիտա Մանուկյանի և Սվետլանա Դավթյանի՝ գումարի բռնագանձման պահանջի վերաբերյալ:

Ներկայացված հայցադիմումը 2013 թվականի մարտի 22-ին մակագրվել է դատավոր Գ. Հեքոյանին:

Դատավոր Գ.Հեքոյանի 29.05.2013 թվականի որոշմամբ հետախուզում է հայտարարվել պատասխանողների և նրանց գույքի նկատմամբ:

Դատավոր Գ. Հեքոյանի լիազորությունների կասեցման հիմքով քաղաքացիական գործը 13.05.2019 թվականին մակագրվել է դատավոր Ա. Օհանյանին:

Դատավոր Ա. Օհանյանը 20.05.2019 թվականին կայացրել է քաղաքացիական գործը վարույթ ընդունելու մասին որոշում:

Դատավոր Ա. Օհանյանի՝ այլ դատարան տեղափոխվելու կապակցությամբ քաղաքացիական գործը 2022 թվականի դեկտեմբերի 09-ին վերամակագրվել է դատավոր Ա. Դունամալյանին:

Դատավոր Ա. Դունամալյանը 11.01.2023 թվականին կայացրել է կասեցված քաղաքացիական գործը վարույթ ընդունելու մասին որոշում:

Բարձրագույն դատական խորհրդի 03.04.2023 թվականի թիվ ԲԴԽ-39-Ո-134 որոշմամբ դատավոր Ա.Դունամալյանի գործուղման վերջնաժամկետը Հայաստանի Հանրապետության Կոտայքի մարզի առաջին ատյանի ընդհանուր իրավասության դատարան սահմանվել է մինչև 29.09.2023 թվականը, որի ավարտով պայմանավորված սույն քաղաքացիական գործը 02.10.2023 թվականին վերամակագրվել է դատավոր Ն.Թորոսյանիս:

Քաղաքացիական գործը դատավորի աշխատակազմին է հանձնվել է 05.10.2023 թվականին:

Դատարանի 13.10.2023 թվականի որոշմամբ քաղաքացիական գործը ընդունվել է վարույթ և կասեցված գործի վարույթը վերսկսել:

Գործով կիրառելի 17.06.1998թ. ՀՀ քաղաքացիական դատավարության օրենսգրքի 125-րդ հոդվածի համաձայն՝ դատարանը կիրառում է արագացված դատաքննություն, եթե՝

- 1) կողմերը գրավոր համաձայնություն են ներկայացրել գործով արագացված դատաքննություն կիրառելու վերաբերյալ կամ
 - 2) կողմերը գրավոր տեղեկացրել են դատարանին դատաքննությանն իրենց չմասնակցելու մասին, կամ
 - 3) դատարանը հանգում է այն եզրակացության, որ՝
 - ա) գործի էությունից բխում է դրա անհապաղ քննության անհրաժեշտությունը,
 - բ) գործով ապացուցման ենթակա փաստերի մասին հնարավոր է եզրակացության հանգել գործում առկա ապացույցների հետազոտման և գնահատման հիման վրա, և չկա իրավունքի հետ կապված վեճ,
 - գ) հայցն ակնհայտ հիմնավոր է կամ
 - դ) հայցն ակնհայտ անհիմն է:
2. Արագացված դատաքննություն կիրառելու հիմքերն են, մասնավորապես, այն դեպքերը, երբ՝

- 1) պահանջը հիմնված է անվիճելի իրավունքի վրա՝ նախապես գնահատված վնասով.
- 2) ներկայացվել է հայրությունը որոշելու հետ չկապված ավիմենտներ բռնագանձելու վերաբերյալ պահանջ.
- 3) ներկայացվել է աշխատանքային վեճի հետ կապված պահանջ.
- 4) չեն ներկայացվել պահանջը հաստատող ապացույցներ:

Գործով կիրառելի 17.06.1998թ. ՀՀ քաղաքացիական դատավարության օրենսգրքի 128-րդ հոդվածի համաձայն՝ արագացված դատաքննություն կիրառելու մասին որոշում կայացնելուց հետո դատարանն անցնում է գործն ըստ էության լուծող դատական ակտի կայացմանը:

23.02.2024 թվականի դատական նիստում դատարանը որոշել է կիրառել արագացված դատաքննություն և նշանակել դատական ակտի հրապարակաման օր:

Դատարանի որոշման հիմքում դրված են այն փաստերը, որ գործի քննության ընթացքում որևէ կերպ չեն նույնականացվել պատասխանողները, քանի որ համայնքի ղեկավարի գրությունների համաձայն՝ ՀՀ Կոտայքի մարզ, գյուղ Պոռշյանում հայցադիմումով նշված «Գամ 43» հասցե գոյություն չունի, իսկ Մարգարիտա Մանուկյանի և Սվետլաննա Դավթյան անուն-ազգանուններով անձիք չկան: Վերջիններիս հետախուզման վերաբերյալ կատարողական վարույթները ավարտվել են «Դատական ակտերի հարկադիր կատարման մասին» ՀՀ օրենքի 41-րդ հոդվածի 2-րդ մասի հիմքով, այն է՝ անհնարին է պարզել պարտապանի գտնվելու վայրը, իսկ հարկադիր կատարողի և (կամ) պահանջատիրոջ ձեռնարկած՝ օրենքով թույլատրելի բոլոր միջոցները եղել են ապարդյուն:

«Մալբերի» էլեկտրոնային համակարգով Մարգարիտա Մանուկյանի և Սվետլաննա Դավթյանի վերաբերյալ որևէ տեղեկություններ չեն ստացվել:

Դատարանը գրությամբ դիմել է հայցվորին՝ խնդրելով դատարանին տրամադրել պատասխանողների անձը նույնականացնող տվյալներ, սակայն որևէ պատասխան չի ստացվել:

Ելնելով վերոգրյալից և ղեկավարվելով 17.06.1998թ. ՀՀ քաղաքացիական դատավարության 125-րդ և 128-րդ հոդվածներով, դատարանը

Ո Ր Ո Շ Ե Ց Ի

Թիվ ԿԴ3/0142/02/13 քաղաքացիական գործով նշանակել արագացված դատաքննություն և դատական ակտի հրապարակաման օր նշանակել 22.04.2024 թվականին:

Որոշումն ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ

Ն.ԹՈՐՈՍՅԱՆ

